

Ular menyusur akar, tak akan hilang bisanya

KUALA LUMPUR: Ular menyusur akar tiada akan hilang bisanya. Begitulah juga jika menteri itu akan tetap menteri juga bersama dengan segala kehormatannya dan kekuasaannya walau menaiki kereta apa pun.

Inilah antara rumusan yang dapat disimpulkan terhadap maklumbalas berhubung dengan langkah Perdana Menteri hendak menukarkan penggunaan kereta rasmi para menteri dan setiausaha politik dari yang mahal kepada yang agak berpatutan.

Mereka yang terlibat dengan langkah tersebut iaitu para menteri, timbalan menteri dan juga setiausaha politik, rata-ratanya tidak sedikit pun bersungut dengan perkara itu. Malah ada yang menyebut sepatutnya langkah itu telah lama dilakukan.

Kepada rakyat biasa pula, langkah seperti itu membuktikan bahawa jawatan yang dipegang itu bukanlah sesuatu yang direbut kerana segala kemewahan yang tersedia. Ini menjadi nilai di mata rakyat bahawa para pemimpin mereka itu sanggup bertugas dalam keadaan apa sekali pun.

Ketara sekali yang Dato' Seri Dr. Mahathir, begitu dibanggakan oleh mereka. Menurut mereka, ini pembuktian dan petunjuk yang jelas bahawa Dr. Mahathir adalah seorang yang tegas dan tidak mementingkan diri sendiri. — ■ Berita terperinci, di Muka 13 ■

Bahan asal dari Arkib